




# ხაშურის მთაშენი



№34 (235)

9 სექტემბერი, ორშაბათი,

2019 წელი



მივიდნენ, ნახეს, გაიმარჯვეს-ეს, ანტიკური ხანის, ინტერპირებული სენტენცია აბსოლუტურად მოერგება ამ ბაშეებს, არა მარტო მოერგება, ზუსტად ჯდება მათ ნამოქმედარში. იგივე ანტიკური ხანის სპასპეტი ასეთ დროს იტყოდა:-გავიმარჯვე დანაკარგის გარეშე... ზემოთ ბავშვები ვახსენე, ეს ისე, ინერციით მოყოლილი სიტყვაა, თორემ მათი ბავშვობა უკვე უკან დარჩა, ახლა სტუდენტები არიან-ყველაზე საოცარი, ყველაზე საოცნებო, ყველაზე ულამაზესი დრო მათ ცხოვრებაში. იწყება შეუცნობლის შეცნობა, იწყება ასტრალისკენ მიმავალი ბილიკის გაკვალვა, ბილიკის, რომელმაც ისინი დიდ ტაძარში უნდა მიიყვანოს, ამ ტაძარს კი სამშობლოს სამსახური ჰქვია.

ლაღები, ღამაზები, ნიჭიერები, ერუდირებულები, ინტელექტუალები...ყველა დადებითი ეპითეტი მემეტება მათთვის. ჯერ ხომ სკოლაში იყვნენ სამაგალითოები და მისაბამებები, ახლა, აგერ მთელი საქართველოს მასშტაბით ისახელეს თავი და იმ სტუდენტებს შორის მოხვდნენ, ვინც სახელმწიფოსაგან სწავლის საფასურის 100 პროცენტის დაფინანსება მიიღეს. დიდი შრომა იყო ამ შედეგის უკან, იყო წიგნზე გათენებული დამეუბიც, მაგრამ სხვაგვარად როგორ? აგერ, ეს შრომა დაუფასდათ კიდევ.

მოდით, გაგაცნობთ ჩვენს "ასიანებს" და შემდეგ ისევ განვაგრძობთ:

**სოფიკო ლონღაძე** (მე-8 საჯარო სკოლა, თავისუფალი უნივერსიტეტი, სამართალმცოდნეობა);

**მერი გაჩეჩილაძე** (მე-7 საჯარო სკოლა, თავისუფალი უნივერსიტეტი, ბიზნესადმინისტრირება);

**ნინო გიორგაძე** (მე-8 საჯარო სკოლა, თავისუფალი უნივერსიტეტი, სამართალმცოდნეობა);

**ვანო მჭედლიშვილი** (მე-3 საჯარო სკოლა, თსუ, სამართალმცოდნეობა);

**ლევან ლოლაძე** (აღის საჯარო სკოლა, თსუ. ფიზიკის

ფაკულტეტი);

**ცისია ხაჩიძე** (დიმიტრი ყიფიანის სახელობის სკოლა-პანსიონი, თავისუფალი უნივერსიტეტი, ბიზნესადმინისტრირება);

**მერი ლომიძე** (მე-8 საჯარო სკოლა, სან დიეგოს უნივერსიტეტი, კომპიუტერული ინჟინერია);

**ნინო მჭედლიშვილი** (მე-8 საჯარო სკოლა, თსუ, სამართალმცოდნეობა);

**მარიამ კიკნაძე** (სურამის მე-4 საჯარო სკოლა, თსუ, სოციოლოგიის ფაკულტეტი);

**ლუკა თურქაძე** (მე -7 საჯარო სკოლა, კავკასიის უნივერსიტეტი, ინფორმაციული ტექნოლოგიები);

**ალექსი ქურდაძე** (მე-8 საჯარო სკოლა, თავისუფალი უნივერსიტეტი, ბიზნესადმინისტრირება);

**თამარ აბრამაშვილი** (ტეზრის საჯარო სკოლა, თსუ, სამართალმცოდნეობა);

**თეკლა ლომიძე** (სურამის II საჯარო სკოლა, თავისუფალი უნივერსიტეტი);

**მარიამ ბარბაქაძე** (სურამის IV საჯარო სკოლა);

**ნინო გაჩეჩილაძე** (ხაშურის მე-3 საჯარო სკოლა, თსუ, ეკონომიკა ინგლისურენოვანი).

აი, ის კოჰორტა, აი, ის ფლაგმანი 2018-2019 წლების კურსდამთავრებულების. ახლა ამათ ათეულობით ე.წ. 70 და 50 პროცენტისანები მიუმატეთ და ვისაც ხაშურზე და მთელ მუნიციპალიტეტზე შავი აზრი აქვთ, ანახეთ ესენი. რთულია, მთელი საქართველოს მასშტაბით, სტატისტიკის მოძებნა, თუმცა, დარწმუნებული ვარ, მუნიციპალიტეტებს შორის, ამ წარმატებული ბავშვების სიმრავლით, პირველ ათეულში მაინც ვიქნებით.

თავს ვხრით მათ წინაშე, თავს ვხრით მათი პედაგოგების წინაშე, მაღლობა თქვენ და ყოველთვის გახსოვდეთ, რომ მუდამ გვეიმედებით.

გოგი გოგოლაძე

## ასიანები



### ხაშურის მუნიციპალიტეტის მერია მერის ბრძანება

№ 489-პ/მ 26 / აგვისტო / 2019 წ.

„არასამეწარმეო (არაკომერციული) იურიდიული პირის - ხაშურის სკოლამდელი აღზრდის დაწესებულებების - საბავშვო ბაღების გაერთიანების“ მმართველის თანამდებობაზე თათია ბროლიძის დანიშვნის შესახებ

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მესამე პუნქტის „ა“ ქვეპუნქტის, 1061-ე მუხლის მე-13 პუნქტის, „არასამეწარმეო (არაკომერციული) იურიდიული პირის ხაშურის სკოლამდელი აღზრდის დაწესებულებების - საბავშვო ბაღების გაერთიანების წესდების“ მესამე მუხლის პირველი პუნქტის და თათია ბროლიძის 2019 წლის 26 აგვისტოს №4127 განცხადების საფუძველზე

#### ვ ბ რ ძ ა ნ ე ბ ა :

1. არასამეწარმეო (არაკომერციული) იურიდიული პირის - ხაშურის სკოლამდელი აღზრდის დაწესებულებების - საბავშვო ბაღების გაერთიანების“ მმართველის თანამდებობაზე დაინიშნოს თათია ბროლიძე 2019 წლის 26 აგვისტოდან;

2. ბრძანება ეცნობოს: თათია ბროლიძეს;

3. ბრძანება ეცნობოს: ხაშურის მუნიციპალიტეტის მერიის საბიუჯეტო, ადმინისტრაციულ-ეკონომიკური განვითარების, განათლების, კულტურის და სპორტის სამსახურებს და სსიპ საჯარო რეესტრის ეროვნული სააგენტოს ხაშურის სარეგისტრაციო სამსახურს;

4. ბრძანება ძალაში შედის ხელმოწერისთანავე და შეიძლება გასაჩივრდეს დაინტერესებული პირის მიერ დადგენილი წესით ხაშურის რაიონულ სასამართლოში (ქ. ხაშური კოსტავას ქ. 15) ერთი თვის ვადაში.

მერი გიორგი გურასპაშვილი

### თათია ბროლიძე

დაიბადა 1992 წელს. დაამთავრა სურამის III საჯარო სკოლა. შემდეგ კი - 2014 წელს - ილიას სახელმწიფო უნივერსიტეტი. არის სოციოლოგიის, მეცნიერების და ხელოვნების ბაკალავრი. 2014 წლის სექტემბრიდან იყო მუნიციპალიტეტის მერიის საქმისწარმოების განყოფილების უფროსი, 2018 წლის მაისიდან კი მერიის საქმისწარმოების და ადამიანური რესურსების მართვის განყოფილების ხელმძღვანელი. მშობლიურის გარდა ფლობს ინგლისურ და გერმანულ ენებს. დაოჯახებულია.



3 სექტემბერს, მუნიციპალიტეტის საკრებულოს შესაბამის კომისიას, მერიის ეკონომიკური განვითარების სამსახურის პირველადი სტრუქტურული ერთეულის ხელმძღვანელმა სერგო ლალიაშვილმა წარუდგინა სამსახურის მიერ მიმდინარე წელს გაწეული ანგარიში, დღევანდელ ნომერში, აღნიშნული ანგარიშიდან, გათვალისწინებული მოწყობის და არქიტექტურული-სამშენებლო საქმიანობის რეგულირებისა და აგრეთვე მუნიციპალური ქონების აღრიცხვისა და მართვის განყოფილებების ანგარიშებს.

### ანგარიში

#### ხაშურის მუნიციპალიტეტის მერიის ეკონომიკური განვითარების სამსახურის, მუნიციპალური ქონების აღრიცხვისა და მართვის განყოფილების მიერ 2019 წლის პირველსა და მეორე კვარტალში გაწეული მუშაობის შესახებ

ხაშურის მუნიციპალიტეტის მერიის ეკონომიკური განვითარების სამსახურის, მუნიციპალური ქონების აღრიცხვისა და მართვის განყოფილება თაყვის საქმიანობას წარმართავს საქართველოს კონსტიტუციის, „ადგილობრივი თვითმმართველობის კოდექსის შესახებ“ ორგანული კანონის; საქართველოს მთავრობის 08.12.2014წ. №669 და 20.02.2014წ. №189 დადგენილებების; ეკონომიკური განვითარების სამსახურის დებულების და მოქმედი კანონმდებლობების შესაბამისად. ხაშურის მუნიციპალიტეტის მერიის ეკონომიკური განვითარების სამსახურის, მუნიციპალური ქონების აღრიცხვისა და მართვის განყოფილების მიერ გატარებული ღონისძიებებისა და პროცედურების შესაბამისად, 2019 წლის პირველსა და მეორე კვარტალში დასრულდა ა(ა)იპ ხაშურის მუნიციპალიტეტის საბიბლიოთეკო გაერთიანების და ა(ა)იპ ხაშურის სკოლამდელი აღზრდის დაწესებულებების-საბავშვო ბაღების გაერთიანების ინვენტარიზაცია. მოქალაქეთა საცხოვრებელი ფართით დაკმაყოფილების მოთხოვნათა ელექტრონულ ბაზაში 2019 წლის პირველსა და მეორე კვარტალში შეყვანილია -14 ბენეფიციარი.

იანვრის თვეში გამოცხადდა ელექტრონული აუქციონი, ხაშურის მუნიციპალიტეტის საკუთრებაში არსებული, ხაშურის ცენტრალური სტადიონის დემონტაჟის შედეგად სავარაუდოდ მისაღები მეორადი გამოყენებისათვის ვარკისი სამშენებლო მასალების პრივატიზების შესახებ, აუქციონი შედგა და გაყიდული ქონების სრული საპრივატიზებო საფასური შეადგენს 68000 ლარს. ხაშურის მუნიციპალიტეტის საკუთრებაში არსებული, ხაშურში, იმერეთის ქუჩაზე მდებარე (ს/კ 69.08.60.366) უძრავ ქონებაზე ელექტრონული აუქციონი შედგა, ქონების საწყისი საპრივატიზებო საფასური შეადგენდა 75 000 ლარს, აუქციონში გამარჯვებული პირს მიერ შემოთავაზებული იყო 209 000 ლარი. ასევე შედგა ხაშურის მუნიციპალიტეტის საკუთრებაში არსებული, სოფ. ტაშისკარში მდებარე (მიწის უძრავი ქონების) ს/კ 69.06.63.023) ელექტრონული აუქციონი, გაყიდული ქონების საპრივატიზებო საფასური შეადგენს 17500 ლარს. ელექტრონული აუქციონი არ შედგა ხაშურში, ბეჟაურის ქუჩაზე მდებარე (ს/კ 69.08.65.021) უძრავ ქონებაზე. მზადების პროცესშია საპრივატიზებო და სარგებლობის უფლებით გადასაცემი ობიექტების ნუსხა და დოკუმენტაციის შესაბამისი პაკეტი, რომელთა გაცემა მოქმედი კანონმდებლობის დაცვით განხორციელ-

დება ელექტრონული აუქციონის წესით.

საქართველოს მთავრობის 2014 წლის 20 თებერვლის №189 დადგენილებით, კანონიერი მოსარგებლისათვის გადასაცემი არაპრივატიზებული საცხოვრებელი და არასაცხოვრებელი (იზოლირებული და არა იზოლირებული) ფართობის ადგილობრივი თვითმმართველობის ადმინისტრაციული ორგანოების მიერ კანონიერი მოსარგებლებისათვის უსასყიდლოდ საკუთრებაში გადაცემის წესის შესაბამისად, 2019 წლის პირველსა და მეორე კვარტალში, მომზადდა 5 პროექტი. აქედან 2 განცხადებაზე მომზადდა უარის ბრძანების პროექტი, 3 განცხადება დაკმაყოფილდა და გაიცა ბინის საკუთრების უფლების მოწმობა.

უძრავი ქონების იჯარის ფორმით გადაცემასთან დაკავშირებით ხაშურის სასაქონლო პარკში ატრაქციონების განსანთავსებლად გაფორმდა ხელშეკრულება, იჯარით გასაცემი ფართის შესახებ. იჯარით გაიცა მუნიციპალიტეტის საკუთრებაში არსებული, ადმინისტრაციული შენობის პირველ სართულზე განთავსებული (ს/კ 69.08.58.209.01.514) უძრავი ქონებიდან 23,10 კვ.მ. არასაცხოვრებელი ფართი შპს „ალფა-2008“-ის განსანთავსებლად.

სახელმწიფო ქონების ეროვნული სააგენტოდან დამატებითი ქონების სახით გადმოგვეცა უძრავ-მოძრავი ქონება (ს/კ 69.02.59.128; ს/კ 69.01.64.153; ს/კ 69.13.55. 445; ს/კ 69.09.57.010; ქვიშეთში მდებარე 1240 კვ.მ. მიწის ნაკვეთი) და 50 ცალი პლასტმასის ნაგავშემკრები კონტეინერი.

გაფორმდა ხელშეკრულებები და მიღება-ჩაბარების აქტებით გადაცემული იქნა სარგებლობის უფლებით, უსასყიდლო უზუფრუქტის ფორმით შემდეგი უძრავი ქონებები: ა(ა)იპ ხაშურის მუნიციპალიტეტის საბიბლიოთეკო გაერთიანებისთვის ხაშურის მუნიციპალიტეტის საკუთრებაში არსებული, ხაშურში ძნელადიძის ქ. №10-ში მდებარე უძრავი ქონება (69.08.58.183); სკოლისგარეშე სასპორტო საგანმანათლებლო დაწესებულების ხაშურის კომპლექსური სასპორტო სკოლისთვის, ხაშურში, სააკაძის ქ. №18- ში მდებარე უძრავი ქონება (69.08.59.226); კულტურის და ბავშვთა და მოზარდთა შემოქმედებითი განვითარების ცენტრების გაერთიანებისთვის, ხაშურში, კოსტავას ქუჩაზე მდებარე უძრავი ქონება; სკოლისგარეშე სახელოვნებო საგანმანათლებლო დაწესებულებების-სამუსიკო სკოლების გაერთიანებისთვის, სოფ. ქვიშეთში მდებარე ს/კ 69.06.62.129 უძრავი ქონება და საბავშვო ბაღების გაერთიანებისთვის უძრავი ქონებები (გაერთიანებაში დაქვემდებარებული საბავშვო ბაღები).

ხაშურის მუნიციპალიტეტის მიერ დაფუძნებულ არასამეწარმეო (არაკომერციული) იურდიულ პირებზე გადაცემული იქნა აგრეთვე, სარგებლობის ფორმით სხვადასხვა უძრავ-მოძრავი ქონება. მუნიციპალური ქონების აღრიცხვისა და მართვის განყოფილებაში 2019 წლის პირველსა და მეორე კვარტალში მერის რეზოლუციით დაგვეწერა 1300- მდე კორექსიონული, რომლის 95 % შესრულებულია.

#### სივრცითი მოწყობის და არქიტექტურულ-სამშენებლო საქმიანობის რეგულირების განყოფილების მიერ 2019 წლის 8 თვეში გაწეული საქმიანობის ანგარიში

2019 წლის 8 თვეში, მოქალაქეთა მიერ შემოტანილი განცხადებების საფუძველზე, განხილულ

და დამტკიცებულ იქნა მიწის ნაკვეთის სამშენებლოდ გამოყენების პირობები -85 შემდგომში ნებართვების მისაღებად, შეთანხმებულია - I კლასის ობიექტების მშენებლობის 73 პროექტი, შეთანხმებულია დოკუმენტაცია მიწის ნაკვეთის კატეგორიის ცვლილების შესახებ -10, დადგინდა ბინათმესაკუთრეთა ამხანაგობის საკუთრებაში არსებული მიწის ნაკვეთების სახლდარები -7, შესრულდა მიწის გაყოფისა და გაერთიანების -45 განცხადება, პასუხი გაეცა ფიზიკური და იურიდიული პირებისგან შემოსულ მრავალ განცხადებას.

გაიცა მშენებლობის 68 ნებართვა, მათ შორის: საზოგადოებრივი ნაგებობებზე -8, საცხოვრებელ სახლებზე -12, კომერციულ ობიექტებზე -14, დემონტაჟი -5, რე-

კონსტრუქცია -11, სასაწყობე შენობებზე -3, ავტოფარეხი -1, დამხმარე სათავსო -3, ავტოტექსტომსახურება -6, ფერმა -3, ცენტრალური სტადიონი -1, ავტოსამრეცხაო -1.

მშენებლობის სანებართვო მოსაკრებელიდან შემოსულმა თანხამ შეადგინა - 47982 ლარი.

შედარებისთვის მოვიყვანთ წინა წლების სტატისტიკურ მონაცემებს:

- 2010 წელს გაიცა მშენებლობის - 30 ნებართვა;
- 2011 წელს გაიცა მშენებლობის - 34 ნებართვა;
- 2012 წელს გაიცა მშენებლობის - 57 ნებართვა;
- 2013 წელს გაიცა მშენებლობის - 67 ნებართვა;
- 2014 წელს გაიცა მშენებლობის - 84 ნებართვა;
- 2015 წელს გაიცა მშენებლობის - 125 ნებართვა;
- 2016 წელს გაიცა მშენებლობის - 127 ნებართვა;
- 2017 წელს გაიცა მშენებლობის - 132 ნებართვა;
- 2018 წელს გაიცა მშენებლობის - 115 ნებართვა;
- 2019 წელს გაიცა მშენებლობის - 68 ნებართვა.



16 სექტემბერს, მთელი საქართველოს მასშტაბით, ახალი სასწავლო წელი იწყება. ხაშურის საგანმანათლებლო რესურსცენტრი მთელი ზაფხულის მანძილზე მუხლჩაუხრელათ მუშაობდა, რათა ახალი სასწავლო წელი ხაშურის რაიონის სკოლებში ყოველგვარი შეფერხებების და ლაფსუხების გარეშე დაიწყოს. მუშა პროცესი, რესურსცენტრში, ამჟამადც მიმდინარეობს. მათ უამრავ საბასუხისმგებლო და მნიშვნელოვან დეტალზე უწევთ ყურადღების გამახვილება. მიუხედავად დატვირთული გრაფიკისა, საგანმანათლებლო რესურსცენტრის უფროსმა ზვიად გოუაძემ დრო დაგვიტოვა და მიმდინარე პროცესებზე გვიამბო. პირველკლას-

## მუნიციპალიტეტის საჯარო სკოლები მზად არიან ახალი სასწავლო წლისათვის



სელთა მიღებაზე, წარმატებულ, მედალოსან მოსწავლეებზე, მასწავლებლობის მსურველებზე და სხვა მნიშვნელოვან საკითხებზე უფრო ვრცლად ინტერვიუდან შეიტყობთ.

- ბატონო ზვიად, მოგვიყვით როგორ ემზადება ხაშურის საგანმანათლებლო რესურსცენტრი ახალი სასწავლო წლისთვის?

- ხაშურის საგანმანათლებლო რესურსცენტრი ამჟამად სამუშაო პროცესში იმყოფება, რადგან მოახლოებულ, ახალი სასწავლო წელს მომზადებული შეხვედრის მოსამზადებელი სამუშაოები მიმდინარეობს რამდენიმე მიმართულებით, ესენია: ინფრასტრუქტურული მზაობა, სკოლების შესაბამისი რესურსებით მომარაგება, ყველაზე მნიშვნელოვანი კი სკოლების უფასო სახელმძღვანელოებით მომარაგებაა. ხაშურის საგანმანათლებლო რესურსცენტრი ორი მიმართულებით იღებს სახელმძღვანელოებს, საგანმანათლებლო სამეცნიერო ინფრასტრუქტურის სააგენტოდან და აგრეთვე კომპანიიდან, რომელმაც ტენდერში გაიმარჯვა. დაახლოებით 50 000 სახელმძღვანელო უნდა მივიღოთ 14 სექტემბრამდე და უმოკლეს ვადებში ყველა სკოლაში უნდა გავანაწილოთ, რათა 16 სექტემბრიდან მოსწავლეებმა სრულყოფილ პირობებში დაიწყოთ სასწავლო პროცესი.

- რაც შეეხება სარეაბილიტაციო სამუშაოებს..

- ხაშურის რაიონის 22 სკოლაში გამოცხადებული იყო მუნიციპალიტეტის მერიის მიერ ტენდერი და ნაწილობრივი სარეაბილიტაციო სამუშაოები ჩატარდა. ზოგიერთ სკოლაში გარემონტდა საკლასო ოთახები, ამოიცვალა საკლასო ოთახის კარებები, შეკეთდა სახურავები, ზოგიერთ სკოლაში ფასადი შეიცვალა, გარდა ამისა, საკუთარი ფინანს-



ური რესურსებით, რიგი სკოლები ახორციელებენ მცირე ტიპის სარემონტო სამუშაოებს.

- რამდენი პირველკლასელი გყავთ მიმდინარე წელს?

- ახალ სასწავლო წელს 645 პირველკლასელი დაიწევს. მიღებული გვაქვს მათთვის პორტაბელური კომპიუტერები და გადაცემული გვაქვს სკოლებისთვის. მიმდინარეობს ამ სკოლებში პროგრამების ჩატვირთვა და 16 სექტემბერს ყველა პირველკლასელს ექნება კომპიუტერი.

- ყოველწლიურად მედლებით ჯილდოვდებიან წარმატებული მოსწავლეები, წელსაც იქნება იგივე?

- დიახ, რა თქმა უნდა. დასრულებული და გადაცემული გვაქვს სამინისტროსთვის მედალოსნებისა და „ჩემი პირველი კომპიუტერის

პროგრამის“ კანდიდატების მონაცემები და დაახლოებით ოქტომბრისთვის დაჯილდოვდებიან ეს მოსწავლეები. რა თქმა უნდა, ხაშურის საგანმანათლებლო რესურსცენტრი გადასცემს ამ მოსწავლეებს კუთვნილ საჩუქრებს. ჩემი პირველი კომპიუტერის ფარგლებში წელს 90 მოსწავლეა, ხოლო მედალოსანი - 78.

- როგორც ჩვენთვის ცნობილია, მიმდინარეობს გასაუბრებები და კადრების შერჩევა ხაშურის რაიონის სკოლებში არსებული ვაკანტური ადგილების შესავსებად?

- დიახ, ასეა. სკოლებისთვის ახალი კადრების შერჩევა დაწყებულია. მოგეხსენებათ, დედაგოგოები, პედაგოგები, გავიდნენ დამსახურებულ პენსიაზე. სულ ასეთი 74 პედაგოგი გვეყავს. გამომდინარე აქედან, მათ მიერ გამოთავისუფლებულ ადგილებზე გამოცხადებულია ვაკანსიები და მიმდინარეობს გასაუბრებები კანდიდატებთან. გასაუბრებები ტარდება რესურსცენტრში. ამით გვესურს ახალ კადრებს ხელი შევუწყოთ, რათა გასაუბრების ადგილმდებარეობა მათთვის მოსახერხებელი იყოს და ბევრ მათგანს თავისუფლად შეეძლოს შანსის გამოყენება. აქვე გეტყვით, რომ ახალი კადრების მოძიებისთვის მთელი რიგი საკანონმდებლო ცვლილებები განახორციელა განათლების სამინისტრომ. ისინი შესაძლებლობას სთავაზობენ ნებისმიერ პირს, 2023 წლამდე, რომელსაც აქვს ბაკალავრის აკადემიური ხარისხი და მაძიებლად შემოვა სკოლაში, 2 წლის განმავლობაში გაიაროს მაძიებლობის პროგრამა, ჩააბაროს საგნის გამოცდა, აგრეთვე გაიაროს 60 კრედიტიანი მასწავლებელთა მოსამზადებელ პროგრამა ან დისტანციური სწავლების კურსი და გახდეს სერტიფიცირებული მასწავლებელი.

- რას ნიშნავს უფრო კონკრეტულად დისტანციური სწავლების კურსი.

- ეს, ნამდვილად, სიახლეა. დისტანციური სწავლების კურსი გულისხმობს პრაქტიკის ფონზე ინტენსიურ თეორიულ სწავლებას, რომელიც პედაგოგს მოუწევს დისტანციურად, კომპიუტერის საშუალებით და არ მოუხდება რომელიმე სასწავლებელში ფიზიკურად სიარული. ეს არის ძალიან კარგი საშუალება, იმისთვის რომ პროფესიაში დახელოვნებული სპეციალისტები მივიღოთ იქ, სადაც ჩვენ გვჭირდება.

- რამდენად ობიექტურად მიმდინარეობს გასაუბრების პროცესი?

- გასაუბრება მიმდინარეობს სრულიად ობიექტურად. გარეშე პირების სახით ჩართულია რესურსცენტრი და მასწავლებელთა პროფესიონალური განვითარების ცენტრის წარმომადგენლები. ამ გასაუბრებებზე სკოლის დირექტორები არ არიან ჩართულები. ობიექტური კომისია შეარჩევს ობიექტურ კადრს და წარუდგენს მას სკოლის დირექციას ხელშეკრულების გასაფორმებლად.

- მასწავლებლობის მსურველთა რიცხვი მაღალია?

- გასაუბრებაზე მოსულთა რაოდენობა საკმაოდ დიდია. უფრო ნაკლებია ფიზიკის და მათემატიკის პედაგოგის მსურველთა რიცხვი. მიუხედავად იმისა, რომ ქვეყნის მასშტაბით არის დეფიციტური სპეციალობები, განსაკუთრებით საბუნებისმეტყველო მეცნიერებების მიმართულებით, ჩვენთან, როგორც რესურსცენტრის უფროსი ვერ ვხედავ საგანგაშო სიტუაციას ამ მხრივ, რომ რომელიმე სკოლაში დეფიციტი გვექნება ამ მიმართულების სპეციალისტებისა. შესაძლებელია, ასეც ყოფილიყო, თუმცა ვიყენებთ სხვა სკოლის რესურსებს, სკოლებიც ურთიერთთანამშრომლობენ ერთმანეთთან და შესაძლებლობა იქნება ერთი მასწავლებელი თემის ფარგლებში გამოვიყენოთ სხვადასხვა სკოლაში, ამის პრობლემას კი სკოლები ერთმანეთს არ უქმნიან.

- როგორც ვიცით, მიმდინარეობს ბაკალავრების დაფინანსება სტუდენტთა სოციალური პროგრამის ფარგლებში?

- დიახ, გამოცხადებულია დაფინანსება სტუდენტთა სოციალური გრანტის ფარგლებში, რაც გულისხმობს სოციალურად დაუცველების, მრავალშვილიანების და მთავრობის კონკრეტული დადგენილებით განსაზღვრულ კატეგორიებს. აქვე მინდა დავამატო, რომ რიგი სკოლების უსაფრთხოებაზე პასუხისმგებელი პირები გადაამზადდნენ, სადაც მანდატურები არ არიან და ისინი მეტალო დეტექტორებით აღიჭურვნენ. გარდა ამისა, აპლიკანტებს, ესენი იქნებოდნენ აბიტურიენტები თუ მასწავლებლები, რომლებსაც ქულა მოემატათ აპელაციის შედეგად, მათთვის დაწყებულია განაცხადების მიღება რესურსცენტრში თანხის დაბრუნებაზე. აგრეთვე, გუშუნ დამტკიცდა ექსტერნის ბრძანება რესურსცენტრის უფროსის მიერ და მიმდინარეობს ზოგადი განათლების სხვადასხვა საფეხურზე სხვადასხვა კლასის დაძლევის ექსტერნის გამოცდები 4-დან 13 სექტემბრის ჩათვლით.

თინა ახალკაცი





(გაგრძელება. დასაწყისი იხ „ბმ“ #5, 6, 7, 9, 11,12,14,15,16,17, 18,19,20,21,22,23,24,25,26,27,28,29,30,31,32)

წვიმოეთი – ნასოფლარი თრიალეთის ქედის ჩრდილოეთ კალთაზე, სოფელ ხცისის ერთ-ერთი უბანი.

წვიმოეთში მდებარეობს XI ს-ის დასაწყისის მატერიალური კულტურის ღირსშესანიშნავი ძეგლი, რომელიც სპეციალურ ლიტერატურაში ხცისის (წვიმოეთის) იოანე ნათლისმცემლის ეკლესიის სახელწოდებით არის ცნობილი. ტაძარი წვიმოეთის ნასოფლარის ახლოს მდებარეობს წვიმოეთისავე სერზე, ტყეში. ეკლესიის ჩრდილოეთით, ხცისისაკენ ტყის ფერდობზე ვრცლად შეიმჩნევა ნამოსახლარები, რომელიც ფეოდალურ ხანას განეკუთვნება.

პროფ. ალ. ღლონტი თვლის, რომ წვიმოეთი ხცისის ძველი სახელწოდებაა. ამასვე იმეორებს მეკლევარი მითვარელიძე. ისტორიული დოკუმენტებიდან კარგად ჩანს, რომ წვიმოეთი და ხცისი სრულიად დამოუკიდებელი პუნქტებია.

ისტორიულ დოკუმენტებში გვხვდება წვიმოეთის ფორმით. ასეთივე ფორმით დაუტანია ვახუშტი ბატონიშვილს რუკაზე, იგი ამავე სახელით აღუნიშნავს თავის „აღწერაში“ იოანე ბატონიშვილს, რომელიც აქ მოსახლეობას არ აფიქსირებს.

წვიმოეთი შედიოდა ისტორიული საციციანოს შემადგენლობაში.

1828 წელს აქ 18 კომლი სახლობს, რომლებიც იხდიან ყველა საოსმალო გადასახადს 8050 ახნის ოდენობით.

XVIII ს-ის 40-იან წლებში ციციშვილებს შორის ამტყდარი შინააშლილობის დროს წვიმოეთი დიდად დაზარალებულა. მერაბიძე ციციშვილის არზიდან ჩანს, რომ სოფელმა ამ პერიოდში სამჯერ განიცადა აოხრება, მასთან ერთად ხცისმაც. არზაში ნათქვამია: „კიდევ მეორეთ მოუხდა წვიმოეთს და ხცისს კი-კნაძეებითა და ამაშუკელებით დავით, ტყვე წაიყვანა ოცდარვა. ორი სოფლის საქონელი სულ წაიღო-ღვინო, პური, სახლის ვეჯჯულობა, სახლები კი დაწვა“.

იმავე დოკუმენტში აღნიშნულია: „კიდევ წვიმოეთს აიკლეს და გაყიდეს ქვირი-ოშვილი სულ სამი, თავის საქონლით და სახლის ავეჯჯულობით“.

წვიმოეთი, როგორც დამოუკიდებელი ერთეული, XIX საუკუნეშიც განაგრძობს არსებობას.

1865 წლის აღწერით, წვიმოეთში 3 კომლი გლეხი სახლობს (2 სახელმწიფო და 1 დროებით ვადლებული), 1886 წლის აღწერით, მოსახლეობა საგრძობად გაზრდილია. აქ უკვე 20 კომლი მოსახლეა (59 კაცი და 67 ქალი, სულ 126 კაცი). ეროვნული შემადგენლობის თვალსაზრისით, მოსახლეობა მთლიანად ქართულია.

მოგვიანებით, XX ს-ის 10-იანი წლებიდან, წვიმოეთი სოფელ ხცისის ერთ-ერთ უბნად გადაიქცა.

სახელწოდება წვიმოეთი, ნაწარმოებია –ეთ სუფიქსით, –ი სახელობითი ბრუნვის ნიშანია, ხოლო ძირია „წვიმ“.

სახელწოდების წარმომავლობის შესახებ საინტერესო მოსაზრებას გვთავაზობს მეკლევარი მ. მითვარელიძე. როდესაც იგი ცდილობს, გაარკვიოს ტოპონიმ ხცისის წარმომავლობის საკითხი, ვრცლად ჩერდება წვიმოეთზე (წვიმოეთი) და წერს: „საშურიდან სულ რაღაც შევიდოდ კილომეტრზე, მტკვრის მარჯვენა მხარეს, თრიალეთის მთების ძირში შეფენილია სოფელი ხცისი – ეს, მართლაც, უძველესი სოფელი, რომლის მშენებლებს, უპირველეს ყოვლისა, წარმოადგენს 1002 წელს აშენებული უნიკალური ტაძარი, როგორც სიმბოლო გაერთიანებული საქართველოსა. ეს ტაძარი, დროთა სვლას რომ გუმბათხამოქცეული ერი-ნება, იოანე ნათლისმცემლის სახელს ატარებს. ის სოფლის სამხრეთით, ტყეში, ნათლისმცემლის ფერდობზე მდებარეობს. მეორე მხარეს ყურაქედია წმინდა გიორგის სახელობის ეკლესიის ნანგრევებით. მათ შორის კი, გაზაფხულსა და შემოდგომაზე გათამაშებული და ზაფხულში თითქმის დამშრალი პატარა ნაკადული – ხციულა ჩაედინება, რომლის სათავეშიც ოდითგანვე სამკურნალო გოგირდოვანი აბანოები იყო გამართული.“

ძველი სოფელი, დღევანდელისაგან განსხვავებით, სწორედ ამ ორ ფერდობს შორის ყოფილა გაშენებული და მას წვიმოეთი რქმევია. აღექსანდრე ღლონტი, ვფიქრობ, სამართლიანად მიიჩნევს, რომ წვიმოეთი ხცისის ძველი სახელწოდებაა. სოფლის სამხრეთ ნაწილს – ლობჯანიძეების უბანს, მოსახლეობა დღესაც წვიმოეთს (წვიმოეთს) უწოდებს.

საიდან მოდის ეს სახელწოდება? რას უნდა გულისხმობდეს არაერთი საინტერესო ტოპონიმი ამ ადგილებისა? აი, კითხვები, რომელზეც პასუხის გაცემას ისახავს მიზნად ეს წერილი.

სოფლის შედარებით ახალ ნაწილს წვიმოეთისაგან ხციულა ყოფს. როგორც კი ხციულაზე გადავალთ, არჩევანის წინაშე დავდებით. თუ ამ ნაკადულის ხეობას აჰყვები, ნათლისმცემლის ტაძრის ძირში მოხვდები, თუ მას გადაივლი და ხელმარჯვნივ აღმართს შეუდგები, პატარა გორაზე აღმოჩნდები და იქიდან უკვე ყურაქედისკენ მიმავალ გზას დაადგები. ამ პატარა გორას ელიას გორას ეძახიან. ელიას გორა – აი, საიდან უნდა დავიწყოთ ამ უძველესი სოფლის ტოპონიმზე დაკვირვება.

როგორც ბიბლიიდან ვიცით, ელია წინასწარმეტყველებდა, რომ უფალი ქვეყანას უდიდესი გვაღვით დასჯიდა. ამის შემდეგ ელია ერთხანს ქერეთის ხევში იმალებოდა და იქ ყორნები უზიდავდნენ საკვებს. როცა ხევი დაშრა, წავიდა ციღონის ტარვათში და იქ ერთი ქვირის სახლში ცხოვრობდა.

ისიც ცნობილია, რომ ქარმელის მთაზე მოხდა ბაალისა და ელიას პაექრობა, სადაც ღმერთმა ელიას ცეცხლი გარდმოუდგინა, ხოლო როცა ელიამ ამქვეყნიური მისია ამოწურა, იგი ცეცხლის ეტლით ამაღლდა ცაღ.

როგორც ჩანს, ჩვენი წინაპრები ოდიღანვე იცნობდნენ ბიბლიას და ცდილობდნენ აქ – საქართველოში ბიბლიური სიწმინდეების აღმნიშვნელი ტოპონიმები დაემკვიდრებინათ. მაშ, სხვაგვარად როგორ ავხსნით იმ გარემოებას, რომ ელიას გორის თავზე, მუხნარით დაფარულ მთას ყურა – ქედი ჰქვია და ამ ადგილის სიწმინდის აღსანიშნავად, წმინდა გიორგის სახელობის ეკლესიაა აშენებული.

ჩვენი ღრმა რწმენით, ყურაქედი სწორედ ელიას ბიბლიურ ისტორიას უნდა უკავშირდებოდეს და საფიქრებელია, რომ მისი ადრინდელი სახელი იყო ყორანის ქედი, იმის ხსოვნის აღსანიშნავად, რომ ელიას სწორედ ყორნები ასაზრდოებდნენ. არაა გამორიცხული, რომ დროთა განმავლობაში „ყორანის ქედი“ იქცა „ყურა ქედად“ (ყორნის ქედი – ყორანქედი – ყურაქედი).

როგორც ბიბლიიდან ვიცით, საქადაგოდ გამოსული იოანე ნათლისმცემელი ხალხს მოაგონებდა ელიას: „და უწინამძღვრებს მას ელიას სულითა და ძალით, რათა მოაქციოს მამების გული შეილების მიმართ“ (ლუკა. 1. 17) ის თავისი უბრალო ტანსაცმლითაც ჰგავდა ელიას. ამის გახსენებით იმის თქმა გვინდა, რომ სრულიად ბუნებრივია, ელიას სახელობის ადგილთან ახლოს ყოფილიყო იოანე ნათლისმცემლის ტაძარი, რადგანც ეს ორი ბიბლიური

პიროვნება ხალხის ცნობიერებაში ერთმანეთს უკავშირდებოდა. სურათი ნათელია: ელიას გორა, ყორანის ქედი, ნათლისმცემლის ტაძარი – ეს ყველაფერი ერთ ბიბლიურ კონტექსტში თავსდება.

და აი, მივადექით მთავარს – რას უნდა ნიშნავდეს წვიმოეთი. როგორც შევნიშნეთ, ნათლისმცემლის ფერდობის სამხრეთით სამკურნალო გოგირდოვანი აბანოები იყო გამართული. ეს აბანოები XX ს-ის 60-იან წლებამდე ჯერ კიდევ არსებობდა. მერე კი დაშრა და გოგირდოვანმა წყალმა მეზობელ სოფელში ამოხეთქა მიწიდან.

როგორც კი ნათლისმცემლის ხევეს შეპყვებოდი, უმაღ იგრძობდი გოგირდის სუნს, რომელიც ხეობის სიღრმეში კიდევ უფრო ძლიერდებოდა. ესე იგი, გოგირდოვანი წყლები ამ სოფლისათვის მნიშვნელოვან სამკურნალო საშუალებას წარმოადგენდა. გოგირდი კი (ბიბლიაში) სწორედ წვიმას უკავშირდება. „აწვი-და უფალმა ციდან სოდომს და გომორს გოგირდი და ცეცხლი „უფლისაგან“. „გოგირდს“ მეორე სახელიც აქვს „წუმწუმა“ (სულხან საბა ორბელიანი), „წუმწუმა ზეცით“ „ცეცხლი არს, რომელი აწვიმა სოდომს გოგირდითა („სიტყვის კონა“). ვფიქრობთ, რომ ამ ისტორიულ სოფელში გოგირდი უხვად იყო, ესე იგი, განგებამ იგი აწვიმა ამ ადგილებს სოფელსაც ამიტომ წვიმოეთი დაერქვა. ამიტომ ირწმუნებიან მოხუცები – დამაძობით ყურაქედიდან ნათლისმცემლისკენ ანგელოზები დაფრინავდნენო. გოგირდოვანი ნათება, ელიას გორიდან ცეცხლოვანი ანგელოზების გადაფრენა, ეს ხომ ბიბლიური ინტერპრეტაციაა, ასე კარგად რომ აისახა ტოპონიმებში“.

წიქარაული - ნასოფლარი, მისი ლოკალიზაცია არ ხერხდება, ვფიქრობთ, მსგავსად კოლუასი, ცხრაბუხასა და ხაშურის სიახლოვეს უნდა ყოფილიყო.

დასტურდება ქართულ ისტორიულ დოკუმენტებში.

1794 წლის ქაიხოსრო აბაშიძის ანდერძში აღნიშნულია: „... წიქარაულის დავა ჩემის ბიძაშვილების და ჩვენი ეს არის: პაპანემს ვახუშტი აბაშიძეს რომ წიქარაული უმოვნია, რამდენსამე წელიწადს მოენას წინათ ჰსტყურია პაპანემს, მანამდის სეხნია ჩხვიძე მონღარეთსუცესი იმ ჭალას იმოწინდა“.

ზემოს ქართლის მოსახლეობის XVIII საუკუნის აღწერის ერთ-ერთ დავთარში დაფიქსირებულია წიქარაული თავისი მოსახლეობით:

- „ქ. აქავ წიქარაულს ნიკოლოზ (აბაშიძის ყმა) .....იძე როსტომ, კომლი ა.
- ქ. აქავ ამისიყ ყმა ბითაძე გაბრიელ, კომლი ა.
- ქ. აქავ ამისიყ ყმა აზნაურშვილი სავანელი გიორგი და გრიგოლ, კომლი ა, თავი ბ.
- ქ. აქავ სავანელი ბეციას ყმა ცხვირაშვილი ზურაბ და ამისი შვილი გლახა, კომლი ა, თავი ბ.

- ქ. აქავ აბაშიძე ნიკოლოზის ყმა ლომინაშვილი თანდილა, კომლი ა, თავი ა.
- ქ. აქავ ამისიყ ყმა წიფაელი გაბრიელიშვილი სესია, კომლი ა, თავი ა.
- ქ. აქავ ამისიყ ყმა წიფაელი თევდორიკა, კომლი ა. თავი ა.
- ქ. აქავ ამისიყ ყმა ზვარელი ლეცაბიძე კაკაბა, ამისი მძა გიორგი და მახარა, კომლი ა, თავი გ.“.

წიქარაული დასტურდება აგრეთვე ევგენი აბაშიძის მიერ 1801 წლის 2 დეკემბერს რუსეთის იმპერატორ ალექსანდრე პავლეს ძის სახელზე შედგენილ მოხსენებით ბარათში, რომელშიც ნათქვამია: „... თექვისმეტი წლისა პაპანემი (ვახუშტი აბაშიძე-თ.ლ.) გადმოუყვანია მეფეს ვახტანგს, თავისი ქალი ანუკა ბატონიშვილი მისცა და ისე ჩემის სახლის კაცის საბაშიო ქუეყანა და სამი სოფელი თავისი სახასო ცხრაბუხა, წიქარაული და კოლუა“.

წრომი – სოფელი, მდებარეობს მდ. მტკვრის მარჯვენა მხარეს, თრიალეთის ქედის სამხრეთით, გაშლილ ვაკეზე. სასოფლო საკრებულოს ცენტრი (წრომი, ახალშენი, დიდი ყელეთი, დიდი ხავლეთი, ვაკეპანტები იმერლიანთკარი, ნადარბაზევი, პატარა ყელეთი). ზ.დ. 795 მ. ხაშურიდან დაშორებულია 15 კმ-ით.

შედიოდა ისტორიულ საციციანოში.

წრომი ცნობილია VII საუკუნის ტაძრით, რომლითაც იწყება მეორე ეტაპი ქართული ხუროთმოძღვრების განვითარებაში.

„მძორეთის ჩრდილოთ, გორას იქით და სამწვერის ზეით, არს მონასტერი ყოველადწმინდისა წრომს, გუნბათიანი შუენიერი, სოფიის კენჭი ჩაწყობილ-დახატული, და ხუცის სამარ“, – აღნიშნავს ვახუშტი ბატონიშვილი.

V საუკუნეში წრომში სპარსელებმა ქრისტიანული სარწმუნოებისათვის აწამეს რაჟდანი, რომელიც შემდეგ ქართულმა ეკლესიამ წმინდანად შერაცხა. იგი არის საქართველოში ქრისტიანობისათვის პირველად წამებული და მას რაჟდენ პირველმწამედ იხსენიებს საქართველოს ეკლესია. ამავე საუკუნეში, ვახტანგ გორგასლის დროს, აქ აიგო ბაზილიკა, რომლის ადგილზეც შემდგომ, VII ს-ის 20-30-იან წლებში, ქართლის ერისმთავარ სტეფანოს II-ის მიერ აიგო დღევანდელი ტაძარი. არის მოსაზრება, რომ ტაძარი V-VI საუკუნეების მიჯნაზეა აგებული.

უნდა ვიფიქროთ, რომ წრომი ადრე და განვითარებულ ფეოდალურ ხანაში გარკვეულ კულტურულ როლს თამაშობდა ქვეყნის ცხოვრებაში. ამავე დროს ჩანს, იგი ერთ-ერთი მნიშვნელოვანი დასახლებული პუნქტია (დაბაა) ქართლის დასავლეთით.

ერთ-ერთი დოკუმენტიდან ჩანს, რომ XVIII საუკუნის დასაწყისში აქ 6 კომლი ცხოვრობდა.

1828 წელს წრომში 58 კომლი მოსახლეა, რომლებიც იხდიან ყველა საოსმალ-ლო გადასახადს 27810 ახნის ოდენობით.

განსაკუთრებით, მძიმე აღმოჩნდა წრომისათვის XVIII საუკუნის 30-იანი წლები, როცა ლეკთა თავდასხმების შედეგად სოფელი მთლიანად მოიშალა.

ს. ჩხეიძის თანახმად, რაღაც ორ წელიწადში წრომმა ლეკთა რამდენიმე თავდასხმა განიცადა და სავალალო შედეგი გამოიღო.

1731 წლის ივლისში ლეკებმა ააოხრეს საციციანოს სოფლები, მათ შორის სოფელი წრომიც. ამავე წლის სექტემბერში ლეკებმა „...ჩაიარეს წრომს, დაამხვრიეს გალაგანი, შეუხდნენ, უყვეს ყათლანი, ამოსწყვიტეს შიგ საყდარში“ ხალხი. 1732 წელს ლეკებმა კვლავ ააოხრეს წრომი. ამ გარემოებამ არა თუ დაასუსტა წრომი, არამედ საერთოდ მოშალა აქ ცხოვრება. იგი გაუკაცრიელდა. ასეთი მდგომარეობა გრძელდებოდა რამდენიმე ათეული წლის მანძილზე.

მხოლოდ XVIII ს-ის 60-70-იან წლებიდან იწყება წრომის ხელმოკრულ დასახ-ლებს. ამ მხარის თავადებს – ციციშვილებს, სამეფო კარის ხელშეწყობით ჯავახეთიდან გადმოჰყავთ მოსახლეობა და ასახლებენ გაუკაცრიელებულ სოფლებში, მათ შორის წრომშიც. ეს პროცესი გრძელდება XIX საუკუნეშიც.

თამაზ ლაცაბიძე

(გაგრძელება იქნება)



### ხაშურის მუნიციპალიტეტის საკრებულოს სხდომა

3 სექტემბერს, გაიმართა ხაშურის მუნიციპალიტეტის საკრებულოს მორიგი სხდომა, რომელსაც საკრებულოს თავმჯდომარე მიხეილ ჯანაშვილი უძღვებოდა. სხდომაზე საკრებულოს წევრებმა კენჭი უყარეს და ერთხმად დაამტკიცეს დღის წესრიგით წარმოდგენილი 8 საკითხი.

მათ შორის, თანხმობა მიეცა მუნიციპალიტეტის მერს შ.პ.ს. „საქართველოს მყარი ნარჩენების მართვის კომპანიის“ მიერ გადმოცემული 50 ცალი ნაგავშემკრები კონტეინერის ა(ა)იპ „ხაშურსერვისისთვის“ სარგებლობის უფლებით გადაცემის თაობაზე.

დამტკიცდა ხაშურის მუნიციპალიტეტის საკრებულოს 2019 წლის მეოთხე კვარტლის სამუშაო გეგმა;

მოისმინეს და დადებითად შეაფასეს ხაშურის მუნიციპალიტეტის მერიის ა(ა)იპ „საზოგადოებრივი ჯანმრთელობის დაცვის ცენტრის“ მიერ, 2019 წლის რვა თვეში, მუნიციპალური პროგრამით გათვალისწინებული სამუშაოების შესრულების ანგარიში.

იმავე დღეს, საკრებულოს სოციალურ საკითხთა და სამანდატო, საპროცედურო საკითხთა და ეთიკის კომისიების გაერთიანებულ სხდომაზე იმსჯელეს ხაშურის მუნიციპალიტეტში ადრეული აღზრდისა და განათლების საჯარო დაწესებულების დირექტორის საკვალიფიკაციო მოთხოვნებისა და პერსონალის პროფესიული სტანდარტების დამტკიცების შესახებ მერიის მიერ წარმოდგენილ დადგენილებების პროექტებზე.



### საინფორმაციო შეხვედრა ბიომრავალფეროვნების საკითხებთან დაკავშირებით

5 სექტემბერს, გარემოს დაცვისა და სოფლის მეურნეობის სამინისტროს სსიპ გარემოსდაცვითი ინფორმაციისა და განათლების ცენტრმა, ბიომრავალფეროვნების საკითხებთან დაკავშირებით, საინფორმაციო შეხვედრა გამართა.

კამპანია, რომელიც მოსახლეობის ცნობიერების ამაღლებას ემსახურებოდა, კითხვა-პასუხის რეჟიმში წარიმართა. გამოიკვეთა მუნიციპალიტეტისთვის დამახასიათებელი პრობლემატური საკითხები, რაზეც მონაწილეებმა დარგის სპეციალისტებისგან მიიღეს რეკომენდაციები.

შეხვედრას ესწრებოდნენ მუნიციპალიტეტის მერიის, საკრებულოს, სხვადასხვა ორგანიზაციების წარმომადგენლები და დაინტერესებული პირები.



### ცხადდება მიღება

ხაშურის სამუსიკო სკოლა აცხადებს მოსწავლეთა მიღებას 2019-2020 სასწავლო წლისათვის საფორტეპიანო და საორგესტრო (ვიოლინო) განყოფილების I - VI კლასებში.

I კლასში მისაღებ გამომცდებზე დაიშვებიან 6-დან 10 წლამდე ასაკის მოსწავლეები.

მიღება იწარმოებს II - III - IV - V მაღალ კლასებშიც.

სწავლის გადასახადი - თვეში 15ლარი, სოციალურად დაუცველი მოსწავლეებისათვის თვეში - 3 ლარი. სკოლაში მოქმედებს სოციალურად დაუცველი მოსწავლეებისათვის შეღავათიანი სწავლების პროგრამა.

ისწავლება შემდეგი საგნები : ფორტეპიანო, ვიოლინო, სოლფეჯიო, მუსიკის ლიტერატურა, გუნდი, ქართული მუსიკალური ფოლკლორი. ასევე ფუნქციონირებს გაერთიანებული გუნდი და ვოკალური ანსამბლი.

საგნებს ასწავლიან გამოცდილი, პროფესიონალი, წარმატებული პედაგოგები, რომლებიც თავდაუზოგავად შრომობენ მომავალი თაობის მუსიკალური და ესთეტიკური აღზრდა - განათლებისათვის. მათი დაუზარელი, ენერგიული, პასუხისმგებლური შრომის შედეგია რომ სკოლას აქვს დიდი წარმატებები - სარაიონო, რესპუბლიკურ და საერთაშორისო კონკურსებსა და ფესტივალებზე.



მიღების ბოლო ვადაა 25 სექტემბერი, 11-საათიდან 17-საათამდე (შაბათ - კვირის გარდა).

დაწვრილებითი ინფორმაციისთვის მიმართეთ ხაშურის სამუსიკო სკოლის დირექციას.

მისამართი : ქ.ხაშური , თამარ მეფის ქუჩა №1.

ტელ : 24 - 30 -23 ; 24 - 48 - 34.



- ჭიდაობა -

### წარმატება კასპში

ამ დღეებში, კასპში, ჭიდაობა სამბოში, ჩატარდა ივანე გამხიტავის სახელობის ტურნირი, რომელშიც წარმატებით იასპარეხეს ხაშურის სასპორტო სკოლის აღსაზრდელებმა. ტურნირზე, ჩემპიონები გახდნენ გიორგი მეხრიშვილი(48კგ.) ნოდარ ბუხრიკიძე(68 კგ.) და მიხეილ ნოზაძე(82კგ.) ვერცხლის მედალი აიღო ზურა ხაჩიძემ(57კგ.), მესამე საპრიზო ადგილზე კი ვასილ ნოზაძე (82კგ.) გავიდა. გუნდი შეჯიბრებისათვის ბუხუტი ბუხრიკიძემ მოამზადა.

აღსანიშნავია, რომ გიორგი მეხრიშვილი და მიხეილ ნოზაძე უახლოეს მომავალში მსოფლიო ჩემპიონატზე იასპარეხებენ.



— იუბილე —

# 70 — თემო კობერიძე -70 გამორჩეულად კარგი კაცი

ხაშურის ფეხბურთს, ასწლიანი ისტორიის მანძილზე, ყოველ თაობაში ჰყავდა გამორჩეული ფიგურა, რომელიც მაგალითი იყო იმ კონკრეტული თაობისთვის და ტონის მიმცემიც მთელი გუნდისთვის. ასეთი პიროვნებების და გამოკვეთილი ლიდერის გარეშე ფეხბურთის ნებისმიერმა გუნდმა წარმატებაზე არც უნდა იფიქროს, რადგან მათი თამაში მთლიანად ეფემერული ხდება და იმდენად



მოკლებულია ხიბლს, რომ გულშემატკივარიც კარგავს ინტერესს მის მიმართ.

გასული საუკუნის 70-იან წლებში საქართველოში ფეხბურთის ბუმი. თამამად შეიძლება ითქვას, რომ ქვეყანა ფეხბურთით ცხოვრობს. ველა რაიონს ჰყავს გუნდი და საქართველოს ჩემპიონატიც იმდენად საინტერესოა, რომ ტრიბუნები მუდამ სავსეა გულშემატკივრებით, სწორედ ამ პერიოდში გამოჩნდა „ივერიაში“ სრულიად ახალგაზრდა ფეხბურთელი, რომელმაც პირველი თამაშიდანვე მიიქცია ყურადღება და თავისი დახვეწილი ტექნიკითა და საფეხბურთო ინტელექტით უცვებ იქცა გულშემატკივართა საყვარელ სპორტსმენად და გუნდის



ლიდერად. თემურ კობერიძე ეს სახელი და გვარი ისე დაუკავშირდა ხაშურის ფეხბურთის ისტორიას, რომ შეუძლებელია ამ თემაზე ისაუბროს და იგი არ ახსენოს ვინმემ. გამორჩეული თამაშის მანერა ჰქონდა. დახვეწილი და უზუსტესი პასები მისი მთავარი იარაღი იყო მინდორზე, თუ ამას დაემატებოთ გოლის საოცარ აღდოს და უზადო ტექნიკას, მივიღებთ იმ ტიპის ნახევარმცველს, რომლებიც ამინდს ქმნიან თამაშისას და გუნდს მის გარეშე მო ბრუნავს. ათი წლის მანძილზე, იგი თითქმის ყოველ წელს ხდებოდა საქართველოს ჩემპიონატის 23 საუკეთესოს შორის და მსგავსი მიღწევა თითო-ორიოდა ფეხბურთელს თუ ექნება. რც ის უნდა გამოგვჩვენოს, რომ ყოველ წელს 10-12 გოლი გაჰქონდა, რაც ნახევარმცველისათვის ბრწყინვალე შედეგია.

1949 წლის 11 სექტემბერს დაიბადა. 1966 წელს დაამთავრა რკინიგზის მე-13 (შემდეგში - მე-4) საშუალო სკოლა. იმავე წელს ჩაირიცხა „ივერიაში“ და ჯერ კიდევ 17 წლის ბიჭი უცვებ გახდა „ივერის“ სული და გული. მანამდე კი იყო სასპორტო სკოლა, სადაც მართლაც ლეგენდარულ პიროვნებებთან - გრიშა ჯომართიძესთან და ჯემალ(ბუღდუ) კიკნაძესთან გაიარა წვრთნა. 1981 წლამდე -15 წელი ითამაშა საყვარელ გუნდში, 15 წელი ემსახურა ხაშურის ფეხბურთს და ისე წავიდა გუნდიდან ბოლომდე არ მოკლებია ოვაციები და აპლოდისმენტები. წავიდა, თუმცა ასეთი პიროვნებებისათვის ფეხბურთის გარეშე

ცხოვრება შეუძლებელია. ამხელა გამოცდილება აუცილებლად ისევე ფეხბურთს უნდა მოხმარებოდა და ასეც მოხდა. 1986 წლიდან „ივერის“ უფროსი მწვრთნელია და თუ დამოუკიდებელი საქართველოს პირველ ჩემპიონატში „ივერია“ ჩაერთო, ამაში მისი უზარმაზარი დამსახურებაა. პარალელურად, მომავალ თაობასთანაც მუშაობდა და დღემდე ასეა. ხაშურში ქალთა ფეხბურთის განვითარება კი მთლიანად მის მსრუბზე გადავიდა. აბსოლტურად ნულიდან დაიწყო. მთელ რაიონში დაექმდა პატარა გოგონებს, რომლებსაც ანაბანადან აწყებინებდა და იმდენს მიაღწია, რომ 2003 წელს მისი დამოძღვრილი გოგონათა გუნდი ჯერ საქართველოს ჩემპიონი გახდა, შემდეგ კი პატარების მსოფლიო ჩემპიონატზეც გამოვიდა, რომელიც პოლანდიაში გაიმართა. არც ამის შემდეგ გაჩერებულა 2008 და 2012 წლებში ხაშურელი გოგონები საქართველოს ჩემპიონები გახდნენ, ასევე ორგზის გაამარჯვებინა პლაჟის ფეხბურთში. მის აღზრდილ ათამდე სპორტსმენს კი საქართველოს ნაკრებებშიც დაულოცა გზა.

ბრწყინვალე ოჯახი შექმნა ბატონმა თემურმა. ეამყება, რომ ბაბუის გზას დღეს მისი შვილიშვილი აგრძელებს და ღმერთმა ქნას, ბაბუაზე დიდი ფეხ-



ბურთი ეთამაშოს. არადა, ისეთი პირი უჩანს ასეც იქნება. ნიკუშა „დინამოს“ აკადემიაში ვარჯიშობს და ახლახანს, უნგრეთში, საერთაშორისო ტურნირში, სადაც 14 ქვეყნის 28 გუნდი მონაწილეობდა, ნიკა ტურნირის საუკეთესო ფეხბურთელად დაას-



ახელეს. დადის ჩვენს ქალაქში ღირსეული პიროვნება, გამორჩეულად კარგი კაცი. აი, ისეთი, მასთან ურთიერთობაც რომ გიხარია და მისი მეგობრობით ამაყობ. უყვარს ჩვენს ქალაქს ეს კაცი, ამაგიც და-



უფასეს და ხაშურის საპატიო მოქალაქეობაც მიანიჭეს. მისი განვლილი გზა მაგალითია იმისა თუ როგორ უნდა ემსახუროს კაცი მშობლიურ ქალაქს, მაგალითია იმისა, თუ როგორ უნდა იცხოვროს პიროვნებამ, რომ მისი გაკვალული ბილიკი მანათობელ კელაპტრად იქცეს მომავალი თაობისთვის. ჩვენს მრავალრიცხოვან მკითხველთან ერთად, იუბილეს ვულოცავთ ბატონ თემურს. უფალმა ჯანმრთელობა და სიხარული არ მოაკლოს. ჩვენ კი ვისურვოთ, რომ მისნაირი გამორჩეული კაცები ბევრი ჰყოლოდეს ხაშურს და სრულიად საქართველოს.

გოგი გოგოლაძე

**იყიდება სამოსახლო ნაკვეთი**  
ხაშურში, მდინარე შოლას გასწვრივ (ე.წ. „სვანების“ მაღაზიის მიმდებარედ) იყიდება სამოსახლო ნაკვეთი (10 მეასედი). ფასი შეთანხმებით. ტ. 555-24-85-22

**იყიდება სახლი**  
ხაშურში (თაყაიშვილის ქ. №9 - ყოფილი ტელმანის ქუჩა, მესამე საჯარო სკოლის გვერდით) იყიდება ორსართულიანი სახლი ეზოთი და ყველანაირი სათავსოთი. ფასი შეთანხმ

ა(ა)იპ ხაშურის მუნიციპალიტეტის გაზეთი „ხაშურის მოამბე“. ღირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.  
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.  
P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.